

**BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
OPĆINA KLJUČ
OPĆINSKI NAČELNIK**

**Broj:02-11-13-1278/20
Datum;29.05.2020. godine**

Na osnovu člana 12. stav (2) Zakona o ublažavanju negativnih ekonomskih posljedica („Službene novine Federacije Bosne i Hercegovine“, broj: 28/20) i člana 40. Satuta općine Ključ – prečišćeni tekst („Službeni glasnik općine Ključ“, broj: 3/10 i 3/11) Općinski načelnik općine Ključ donosi:

O D L U K U

O prenamjeni budžetskih sredstava općine Ključ – naknada za izgradnju i održavanje javnih skloništa i naknada od izdavanja u zakup poljoprivrednog zemljišta u vlasništvu države

Član 1.

Ovom Odlukom vrši se prenamjena budžetskih sredstava općine Ključ prikupljenih u skladu sa Zakonom o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, broj: 39/03, 22/09 i 43/10) – naknada za izgradnju i održavanje javnih skloništa koja su deponovana na posebnom podračunu za namjenska sredstva općine Ključ broj: 1994400034107913 otvoren kod Sparkasse bank u iznosu od 67.987,86 KM i Zakonom o poljoprivrednom zemljištu („Službene novine Federacije BiH“, broj: 52/09 i 7/13) – naknada od izdavanja u zakup poljoprivrednog zemljišta u vlasništvu države koja se deponovna na podračunu broj: 1994400034107786 otvoren kod Sparkasse bank u iznosu od 30.808,34 KM. Ukupan iznos budžetskih sredstava na dan 29.05.2020. godine je 98.796,20 KM.

Član 2.

Dio budžetskih sredstva iz člana 1. ove Odluke u iznosu od **64.730,00 KM** prenamjenjuju se za namjene saniranja socijalnih i ekonomskih posljedica nastalih uslijed proglašenja stanja prirodne nesreće uzrokovane pojavom koronavirusa (COVID-19) na području Federacije Bosne i Hercegovine („Službene novine Federacije BiH“, broj: 21/20), kako slijedi:

- Subvencija komunalne naknade, komunalne takse – usluge reklamiranja i samoreklamiranja (panoi) i troškova komunalnih usluga odvoza otpada u iznosu od **54.930,00 KM**,
- Subvencija razlike doprinosa obrtnicima i vlasnicima autoškola od iznosa 244.85 KM koji su ostvarili u skladu sa Zakonom o ublažavanju negativnih ekonomskih posljedica („Službene novine Federacije Bosne i Hercegovine“, broj: 28/20) i minimalne plate licima koja imaju registrovanu samostalnu djelatnost trgovina na malo na tržnicama i štandovima (trgovac pojedinac) u iznosu od **9.800,00 KM**.

Član 3.

Uslovi i način subvencioniranja komunalne naknade, komunalne takse – usluge reklamiranja i samoreklamiranja (panoi) i troškova komunalnih usluga odvoza otpada propisani su Odlukom Općinskog vijeća broj: 02-02-1124-1/20 od 19.05.2020.godine („Službeni glasnik općine Ključ“, broj: 05/20)

Pravo na ostvarivanje subvencije razlike doprinosa obrtnika i vlasnika autoškola za mjesec mart i april, utvrđuje Općinski načelnik svojim zaključkom donesenim na osnovu podnesenog zahtjeva i priloženog dokaza podnosioca zahtjeva da je ostvario pravo na subvencioniranje doprinosa u iznosu od 244,85 KM od federalnog nivoa vlasti u skladu sa Zakonom o ublažavanju negativnih ekonomskih posljedica („Službene novine Federacije Bosne i Hercegovine“, broj: 28/20).

Pravo na ostvarivanje subvencije minimalne plate licima koja imaju registrovanu samostalnu djelatnost trgovina na malo na tržnicama i štandovima (trgovac pojedinac) utvrđuje Općinski načelnik svojim zaključkom donesenim na osnovu podnesenog zahtjeva i priloženog obračuna za doprinose podnosioca zahtjeva za mjesec mart i april.

Član 4.

Prenamjena ostatka budžetskih sredstava iz člana 1. ove Odluke u iznosu od 34.066,20 KM izvršit će se posebnom Odlukom.

Član 5.

Odluka stupa na snagu danom donošenja a obaviće se u Službenom glasniku općine Ključ.



OPĆINSKI NAČELNIK
Nedžad Zuković, prof.